

Locarno



Vista da la citad da Locarno

Il sentiment tut spezial che resulta da la vista da la citad da Locarno m'incitescha a la constataziun che mintga acziun pretenda l'emprim in tschert grad da contemplaziun e da ponderaziun.

Gia adina ma pareva la citad sco mosaic multifar da ses elements (ils quartiers, ils stils, ils edifizis, la cumbinaziun d'epocas e d'umans), il medem mument però er sco totalità inseparabla, gea unica.

Quest maletg ans preschenta ella en tut sia bellezza e fascinaziun ed ans intimescha evidentamain d'ans occupar dad ella, da guardar dad ella e da sia populaziun, da curar sche pussaivel sias plajas e da prender novas vias per ina meglra vita en ella.

Locarno è in lieu ch'è caracterisà da sia identitad, che s'inventa adina puspè da nov cun in sguard sin il nov e sin il different e che represchenta en ses esser l'armonia da las duas tensiuns ch'enritgeschan l'uman e che al dattan plaschair: la tschertga da l'avertadad e la remuneraziun tras renconuschientscha.

Locarno è in exempel per ils success ch'ina cuminanza po cuntanscher grazia a sias stentas ed a ses talents. Ma ins senta er che la citad è ina part d'ina chaussa pli gronda, purtada da valurs cuminaivlas, d'ina cultura ch'è da tut temp fritgavla, che ha pussibilità a nus tuts pass decisivs sin la via vers la libertad, vers la pasch e vers il bainstar. Noss entir pajais è en ina fasa da revitali-

saziun, ha il basegn da reponder il svilup e da definir da nov sia moda dad esser.

Nus stuain garantir als umans giuvens ina perspectiva da vita, da realisaziun persunala, d'egualitad e da libertad.

Cordiala gratulaziun, signur president da la Confederaziun! Ils onns passads han Vossa reputaziun e Voss engaschament instancabel per la protecziun da la Constituziun gidà a rinforzar nosa naziun.

Nus sperain che quest entusiassem As vegnia a manar da tut temp en Vossas stentas da scuvrir vias innovativas, per adina puspè crear chaussas novas, mantegnend quai ch'è vegnì cuntanschi.

Nus avain a disposiziun in potenzial pli grond che quai che nus sezs essan mintgatant pronts d'ans conceder.

Cun questas curtas remartgas As vuless jau exprimer, signur president da la Confederaziun, tant mia atgna stima sco er quella da mia citad prosperaivla per Vossa lavur che sa chatta - per citar Piaget - adina en il champ da tensiun tranter art e scienza, tranter fraida professionalitad e chauda umanità.

Jau As giavisch, signur president da la Confederaziun, da tut cor e plain emeziun e modestadad tut il bun.

Che Vus possias esser precis uschè ferm, curachus ed iniziativ sco quai ch'i vegn intermedià dal maletg da mia citad!

Ing. Alain Scherrer, president communal, Vischnanca da Locarno